

# VANTJELESNA OPLODNJA

*Ljiljana Đurović*

*Nikada ne treba odustajati i gubiti nadu, čak ni posle mnogih neuspjelih pokušaja.*

*Ako postoji i jedan tračak nade da će se desiti život, ne treba odustajati.*

*Kao što se iz samo jedne ćelije rodi život, tako i u vremenu može postojati jedan trenutak kada će se otvoriti ta vrata i kada će se desiti ta uspješna trudnoća.*

Zahvaljujući napretku nauke i razvoju specifičnih grana medicine, u današnje doba moguće je pomoći mnogim parovima koji se liječe od steriliteta da dobiju željeno potomstvo. Siri naziv ovih specijalnih tehnika i postupaka je Medicinski potpomođnuta oplodnja. Najčešći postupci su inseminacija (IUI), izvantjelesna oplodnja – *in vitro* (IVF), zatim intracito-plazmična injekcija spermatozoida (ICSI) i prenos odmrznutih zametaka (FET). Pored ovih postoje još neke metode, koje su napuštene, a i neke koje još nisu rasprostranjene. U ovom procesu često nailazimo na naziv „Vještačka oplodnja“, međutim, ženska i muška polna ćelija, kao i sam proces oplodnje, isti su kao i u spontanom, prirodnom začeću. Zbog toga se koristi termin medicinski potpomođnuta, a ne vještačka, jer medicina pomaže, a ne zamjenjuje proces oplodnje vještačkim



postupkom. Ovom postupku se pristupa tek kada su iscrpljene ostale opcije u liječenju neplodnosti.

Prvo dijete začeto inseminacijom rođeno je 1839. godine. Prva uspješna oplodnja jajne ćelije izvan ljudskog tijela bila je 1963., da bi tek posle 15 godina, 1978., bila rođena prva „beba iz epruvete“. Za ovih tridesetak godina rođeno je više od tri miliona djece u svijetu, od čega pola miliona iz odmrznutih zametaka.

U početku je stopa uspjeha bila vrlo niska, da bi se kasnije, kontrolisanom stimulacijom jajnika, postigla veća stopa uspješnosti. Ovim postupkom se pomoću hormonskih lijekova stimuliše razvoj više od jednog folikula u jajnicima. Kada se procjeni da su folikuli dovoljno zreli, daju se lijekovi koji stimulišu ovulaciju, da bi se zatim vršila punkcija jajnika. Na taj način se transvaginalnom tehnikom uz ultrazvučno vođstvo uvodi igla koja kroz vaginalni zid dolazi do jajnika. Folikuli se aspiriraju kroz iglu i ova faza se najčešće radi u anesteziji. Pripremljene jajne ćelije i spermiji se stavljuju zajedno u kultivacioni medij oko 18 h. Ovdje se najčešće dešava oplođnja, izuzev u slučajevima gdje imamo mali broj spermatozoida ili njihovu slabu pokretljivost, kada se vrši ICSI ili direktna injekcija spermatozoida u jajnu ćeliju. Oplođena jajna ćelija se stavlja u poseban medij i ostavlja 48 h, kada zameetak ima šest–osam ćelija. Zametak se vraća u matericu nakon tri–pet dana od punkcije. Prethodno je embriolog ocjenio kvalitet zmetka. Broj zmetaka koji se transferiše zavisi od broja dostupnih zmetaka, doba žene i ostalih faktora. Najčešće je to jedan–tri, da bi se poboljšale šanse za trudnoću, ali se vodi računa i o riziku zbog višeplodnih trudnoća. Ako ima preostalih zmetaka koji nisu transferisani, oni se mogu zamrznuti, tako da pacijenti mogu koristiti ove zmetke za kasnije trudnoće bez ponovnog prolaska kroz hormonsku stimulaciju. Ovo je najznačajnije za starije roditelje, zbog veće stope problema i urođenih mana ili kod žena kojima prijeti gubitak funkcije jajnika. Zanimljivo je da su djeca rođena iz zamrznutih zmetaka imala veću porođajnu težinu, manje prevremenih porođaja, tj. duže trudnoće.

Poslednjih godina napredak tehnologije podigao je stopu trudnoće na 35%. Francuska studija je procjenila da 66% pacijenata koji kreću u IVF na kraju i uspije imati dijete (40% tokom liječenja i 26% nakon kraja liječenja). Stopa živog porođaja kreće se od 43% do 53% za tri pokušaja i 51% do 71% za šest pokušaja.


Kada posmatramo djecu u natalnoj karti, krećemo od pete kuće, njenog vladara, zatim razmatramo Merkura kao signifikatora za djecu, pa Veneru za plodnost, znakove Lava i Blizanaca. Trudnoću posmatramo preko osme kuću, jer je to ona ključna tačka dodira života i smrti, koja za nekoga znači smrt, a u istom trenutku negdje se kroz začeće stvara život. Posmatramo čitavu seriju 8, a to je osma kuća, vladar osme kuće Pluton i znak Škorpiona. Peta kuća je 10. od 8, i kao takva predstavlja cilj same osme kuće – trudnoće, a to je dijete.

Samo začeće nastaje kao odnos serija 4 i 5. Ako imamo loš odnos 4 i 5 sa 11 i 12, onda može postojati problem sa trudnoćom i začećem, naročito kada je Mjesec oštećen. Jedanaesta kuća je 8. od 4, dok je 12. kuća 8. od 5. Ako je serija 5 povezana sa 12, onda je to vezano za bolnicu, laboratoriju i posebne uslove u kojima se to dešava. Prije svega, procjenjujemo da li u seriji 5 postoji mogućnost za život i da li serija 4 to podržava na neki način. Zaključićemo da ako su povezane serija 5 i 12 i ako nemamo loš uticaj serije 11, Mjesec je loš, onda imamo mogućnost za vantjelesnu oplodnju. Jako je važno da u trenutku pokušaja oplodnje Uran ne napravi nikakvu lošu kombinaciju sa serijom 5 i 12.

Prepostavila sam i da bi samo začeće kao odnos Sunca i Mjeseca, odnosno serija 4 i 5 moglo biti povezano sa Plutonom, koji

jedini zna tajnu stvaranja života i prelaska iz jednog svijeta u drugi. On je taj koji udahne život embrionu koji se usađuje u matericu žene, a u ovom slučaju stvaranje života se desilo već van tijela žene.

U vrijeme kada je urađena prva IVF, 10. novembra 1977. g., Uran je već bio u znaku Škorpiona, gdje je njegova egzaltacija. Možemo naslutiti da je uloga ove planete veoma bitna za sam proces. Uran je, kao što svi znamo, planeta koja govori o svim novim, genijalnim stvarima, idejama, razvoju nauke i tehnologije, što je dalo svoj doprinos i u medicini. **Pogledaćemo Sunčev horoskop za dan prve IVF.**



U Sunčevom horoskopu, koji predstavlja volju Univerzuma na nivou dana, za dan kada je urađena prva vantjelesna oplodnja primjetila sam markantno postavljenog Urana. Obratila sam pažnju na horoskope koje sam dobila i na postavku serije 4 i 5 sa Uranom. U svim slučajevima vladari 4 i 5 su u direktnoj vezi sa Uranom, kao što su u Sunčevom horoskopu Sunce i Mjesec u konjunkciji sa ovom planetom. U stvari, Uran i jeste onaj najjači dio serije 11 koji sprečava začeće i dovodi ove osobe do alternativnog

rješenja, što jeste vantjelesna oplodnja. Uran jesu i svi oni naučnici i doktori koji su direktno uključeni u ovaj proces.

Škorpion na Ascendentu sa Suncem u Sunčevom horoskopu govori nam da je energija ovog dana usmjerenata na neku transformaciju. Sedamnaesti stepen nosi simboliku Lava, 5. znaka koji opisuje djecu. Vladar Ascendenta je Mars, na  $5^{\circ}$  petog znaka – Lava, u trigonu sa Merkurom, signifikatorom djece, koji je na  $0^{\circ}$  Strelca i označava neki novi početak. Mars je, pri tom, vladar i pete kuće i u egzaktnom je polusekstuлу sa egzaltiranim Jupiterom, vladarem četvrte kuće, pa je tema začeće i stvaranje porodice. Mars je u kvadratu sa Mjesecom, Venerom i Uranom, pa bi to moglo biti sve one žene koje se bore sa sterilitetom i pate zbog toga, kojima će ova nova metoda ponuditi šansu da dobiju potomstvo. Dispozicijom preko Sunca Mars je snažan, u svom sjedištu na Ascendentu Uran je na samo stepen od svoje egzaltacije, a to je važna poruka, jer je u konjunkciji sa Suncem, koje ima najsnažniju ulogu u ovom horoskopu, kao i u cijelokupnom Sunčevom sistemu. Orbis od  $5^{\circ}$  od Urana do Sunca povezujemo sa petom kućom i djecom. Uran na  $12^{\circ}$  ima svoju ulogu, jer ga možemo povezati sa laboratorijom, bolnicom, ljekarima. Uranova egzaltacija je manifestacija njegove najveće moći, volja Boga Neba koji poklanja ljudima još jedno svoje čudo, a to je svijest, Kosmička svijest, znanje o stvaranju života. Mjesec je na  $4^{\circ}$  Škorpiona, upravo je prešao preko stepena svog pada, a tu nema života, nema plodnosti, ali upravo je tu i tačka prelaska iz jednog svijeta u drugi, tačka gdje jedan umire, a drugi život se stvara spojem dvije Ćelije. Četvrti stepen, na kome je Mjesec, možemo povezati sa začećem i „oživljavanjem plod-

nosti“, a orbis Mjeseca i Urana od  $8^{\circ}$  sa trudnoćom koja će se desiti uskoro, kada Mjesec pređe još tih nekoliko stepeni do konjunkcije sa Suncem. Venera je na  $0^{\circ}$  Škorpiona, dispozitor Sjevernog čvora i Plutona, drugog vladara Ascendentu, označavajući jedan novi početak, jer iako je Mjesec u padu, Pluton je ovdje egzaltiran i on je taj koji i daje i užima život ovdje na Zemlji. Spoj egzaltiranog Urana i egzaltiranog Plutona je spoj Neba i Zemlje, spoj energije koja stvara materiju. Uran je Bog Neba, a Pluton je Bog Podzemnog svijeta, i kao takvi čine gornji i donji dio osmice i žive u osmoj kući svakoga od nas. Podrška egzaltiranog Jupitera iz osme kuće stelijumu u Škorpionu u 12. kući jasno opisuje da će ova „eksperimentalna“ trudnoća uspijeti. Jupiter je baš na  $5^{\circ}$ , opet govoreći o djeci. Mars, vladar Ascendentu, nalazi se na  $5^{\circ}$  Lava u trigonu sa Merkurom na  $0^{\circ}$  Strelca, a Merkur je vladar osme kuće pa su 1 i 8 u dobroj vezi. To je važno iz razloga što je Merkur vladar odgovarajuće kuće izlazećoj i time daje podršku da se ostvari „glavna želja srca“ ovog dana. Drugi vladar Ascendentu Pluton je na  $15^{\circ}$  Vage (stepen Blizanaca) u snažnom sekstilu sa Neptunom, vladarem četvrte kuće. Neptun je u egzaktnom trigon sekstilu sa osom čvorova, što je povoljan znak. Sunce je ovdje vladar uklještene devete kuće u kojoj se nalaze Mars i Saturn na Regulusu, što nam govori da će Robert Edwards, čovjek koji je ovo pokrenuo, postati svjetski poznat i 2010. g. dobiti Nobelovu nagradu za medicinu. Još jedna važna stvar koju razmatramo u Sunčevom horoskopu jeste pozicija Mjeseca u znaku i kući, koji dodatno naglašava sferu dešavanja. Mjesec je opisan, ali je samo njegova pozicija sasvim dovoljna da vidimo da se govori o (ne)plodnosti, trudnoći, bolnici, tj. laboratoriji.

Još jedna važna činjenica koju moram pomenuti jeste otkriće Kirona koje se desiće samo 10 dana prije prve IVF 1. novembra 1977, pa naslućujemo da mora postojati veza. Ova pretpostavka bi mogla biti tema čitavog jednog rada te se neću baviti detaljima, ali u horoskopu otkrića Hirona on je na stepenu Mjesečeve egzaltacije, a Uran na  $11^{\circ}$  Škorpiona, pa daje ono najbolje od serije 4 i 11.

U analizi horoskopa osoba koje imaju problema sa začećem, tj. onih koje se odlučuju na postupak IVF da bi utvrdili kakve su šanse za uspjeh, trebalo bi krenuti sledećim redom:

1. Peta kuća i vladar pete kuće, njegova pozicija, aspekti i dispozicija.
2. Veza pete kuće i njenog vladara sa Uranom, Neptunom ili nečim iz serija 11 i 12.
3. Četvrta kuća, njen vladar, njegovi aspekti i veza sa vladarem pete kuće, kao kod koji govori o stepenu lakoće samog začeća. Aspekt Sunca i Mjeseca.
4. Veza četvrte kuće i njenog vladara sa Uranom, Neptunom ili serijama 11 i 12.
5. Osma kuća, njen vladar, pozicija, dispozicija i aspekti.
6. Veza osme kuće i njenog vladara sa četvrtom i petom kućom, kao mogućnost uspješne trudnoće.
7. Veza osme kuće i njenog vladara sa serijama 11 i 12.
8. Istražićemo koliko je Pluton povezan sa serijom 8, ali i sa serijama 4 i 5.
9. Pogledaćemo Mjesec, signifikatore za djecu i plodnost Merkura i Veneru, znakove Blizanaca i Lava.

10. Osa čvorova i planeta koja je u dobrom aspektu sa njom ili u konjunkciji sa Sjevernim čvorom.

11. Pogledaćemo i vezu Kirona sa serijama 4, 5 i 8 i njegovu važnost.

Da bismo utvrdili povoljno vrijeme za IVF u prognostičkim tehnikama, analiziramo:

1. Direktivni, sekundarni ili tercijarni Mjesec, Merkur, Veneru, vrh 4, 5, 8, vladare ovih kuća i njihovu vezu na natalnim planetama, vladarima 11 i 12 ili njihovim dispozitorima.

2. Sekundarnu, direktivnu i tercijarnu osu čvorova i osu Ascendent–Descendent.

3. Tranzitni Jupiter, Uran ili Neptun i njihovu vezu sa 4, 5 i 8, Merkurom, Venerom i Mjesecom.

4. Tranzitnu osu čvorova i njenu vezu sa serijom 4 i 5.


5. Solarne vladare 4, 5, 8 i njihovu vezu sa serijom 11 i 12.

Navešću i nekoliko kodova za imanje više djece, a to su: Merkur u dobrom aspektu sa Jupiterom, Plutonom ili vladarem pete kuće.

Kodovi za nemanje djece: Mjesec ili Merkur u lošem aspektu sa Plutonom, Mjesec u lošem aspektu sa svojim dispozitorom, Mjesec u Škorpionu ili na „Spaljenom putu“ i Merkur u Vodoliji.

**Primjer 1**  
NATAL CHART

April 23, 1979  
1:32:08 AM  
Standard time  
Subotica, Serbia  
46° N 06° 19' E 39°  
Time Zone: 1 hour East  
Tropical Placidus



Ova žena je jedna od rijetkih koja se jako mlada odlučila na IVF, posle nekoliko godina bezuspješnog očekivanja prirodnog začeća. Na Ascendentu je Vodolija, a Uran je u devetoj kući, na zvijezdi Kiffa Borealis, koja u nekim postavkama može ukazati na neplodnost i probleme sa jajnicima. Pogledom na njenu seriju 5 vidimo Blizance na vrhu pete kuće, a to je tradicionalno neplođan znak. Merkur u Ovnu opet je neplođan, u konjunkciji sa svojim dispozitorom Marsom, što govori da dispozicijom neće otici u neki plodan znak. Merkur je uklješten u Ovnu zajedno sa Marsom i Venerom na  $29^{\circ}$  Riba, pa do oplodnje ne dolazi lako i brzo. Merkur vlada i osmom kućom i u kvinkunkusu je sa Saturnom, vladarem 12, što znači da je mogući razlog neplodnosti i neki zdravstveni problem i da će biti potrebno nešto promijeniti ili prilagoditi da bi se došlo do cilja, odnosno trudnoće. Ovdje je sasvim jasna veza 5 i 12, što navodi na vantjelesnu oplodnju. Saturn ipak živi u Merkuru, a i Sjeverni čvor, što nagovještava potomstvo. Pri tom je Merkur u trigonu sa Jupiterom, vladarem 10. kuće (porodica koju stvaramo) orbisa  $5^{\circ}$ , što govori o djeci. U ovom ho-

roskopu Merkur vlada, pored pete, i četvrtom kućom, a u kombinaciji 4 i 5 vidimo mogućnost začeća. Merkur je u konjunkciji sa Marsom na  $12^{\circ}$  (bolnica, laboratorijska), a Mars je dispozitor egzaltiranog Urana, čime serije 4 i 5 dolaze u kontakt sa nečim neobičnim, nečim što ruši priču o prirodnom začeću i govori o mogućnosti vantjelesne oplodnje. Merkur preko dispozitora Marsa dolazi u opoziciju sa Plutonom, koji je u osmoj kući i govori o uništenju ploda. Merkur u lošem aspektu sa Plutonom jeste kod za nemanje djece. Merkur je i u konjunkciji sa Venerom koja vlada uklještenom osmom kućom, što opet navodi da se do trudnoće ne dolazi lako. Venera je na  $29^{\circ}$  Riba, čime je i ona sama u duploj simbolici znaka Riba i 12. kuće, koju povezujemo sa IVF. Mjesec koji pored Venere govori o plodnosti nalazi se na  $15^{\circ}$  Riba, oštećen je aplikacionim kvadratom sa Neptunom, svojim dispozitorom u orbisu od  $5^{\circ}$  i ovo je još jedan od kodova neplodnosti. Ovaj aspekt se rješava dispozicijom preko Jupitera na  $0^{\circ}$  Lava. Pored ovoga, Mjesec je u opoziciji sa Saturnom orbisa  $8^{\circ}$ , što je još jedan znak da postoje prepreke i problemi u ostvarivanju pitanja Mjeseca, što je plodnost, stvaranje porodice, ali i moguće nepravilnosti u građi i funkcionisanju


materice. Mjesec je u kvinkunkusu i sa Plutonom, pa imamo još jedan od kodova za nemanje djece, ali se ovaj aspekt riješava dispozicijom kroz trigon Venere i Jupitera.

U znaku Lava, koji vezujemo za petu kuću i djecu, imamo Jupitera na  $0^{\circ}$ , što je dobar znak, jer ukazuje na neki nov početak, a trigon sa Merkurom je kod za imanje više djece. Još jedna sasvim pozitivna stvar jeste to što Jupiter dispozicijom ide na  $2^{\circ}$  Bika, što je sasvim blizu egzaltacije Mjeseca i kao da obećava da će se sve razriješiti pozitivno. Ova žena je posle uspješne IVF dobila dječaka.


Pluton je ovdje u osmoj kući, u njemu živi Uran, što povezujemo sa pretpostavkom da trudnoća počinje sa već stvorenim embrionom.

Kiron je na  $8^{\circ}$  Bika, u konjunkciji sa Suncem, a dispozitor Venera je u konjunkciji sa vladarem pete kuće Merkurom. Kiron je u trigonu sa Saturnom, vladarem prve i 12. kuće.

Sada ćemo pogledati šta se dešavalo kroz prognostičke tehnike za datum vraćanja zametka u matericu.



**Primjer 1**  
January 29, 2004  
12:32:08 AM GMT  
Subotica, Serbia  
46 N 06 19 E 39  
Greenwich Mean Time  
Time Zone: 0 hours West  
Tropical Placidus  
Degree-for-a-Year Progression for January 29, 2004 at 12:32:08 AM  
GMT



**Primjer 1**  
May 17, 1979  
7:00:44 PM GMT  
Subotica, Serbia  
46 N 06 19 E 39  
Greenwich Mean Time  
Time Zone: 0 hours West  
Tropical Placidus  
Day-for-a-Year Progression for January 29, 2004 at 12:32:08 AM GMT

Postavljeni horoskopi su Direkcije i Sekundarne progresije za 29. januar 2004.

U Direkcijama vidimo snažnu aktivnost. Direktivna osa Ascendent/Descendent je na  $29^{\circ}$  Vodolije-Lava, što označava prelazak direktivnog Ascendenta u znak Riba, a njegov natalni dispozitor je Jupiter u Lavu na  $0^{\circ}$ , što govori o novom početku i sreći u simbolici znaka Lava, što možemo povezati sa petom kućom i djecom. Direktivni Ascendent je u polusekstilu sa natalnom Venerom na  $29^{\circ}$  Riba, a ona natalno vlada trećom i uklještenom osmom kućom. Osma kuća je trudnoća, a u prognostici, po nekim autima, i treća je aktivirana kada je dijete na putu. Direktivna osa 4/10 je na  $29^{\circ}$  Bika-Škorpiona, pa ćemo njenim prelaskom na  $0^{\circ}$  Blizanaca-Strelca imati aktiviran natalni trigon Merkur-Jupiter, a to govori da je došlo vrijeme za promjene u porodici, tj. porodi-


ci koju stvaramo i, naravno, moguć srećan ishod. Osa 4/10 opet je aktivirala natalnu Veneru trigon-sekstilom. Direktivni Mjesec je na  $10^{\circ}$  Ovna, dok je natalna osa 6/12 na  $9^{\circ} 53'$  Raka-Jarca, pa imamo aktivnost koja baš i nije prijatna, čest kontakt sa ljekarima, a i moguće psihosomatske tegobe. Poznato je da parovi, a naročito žene, teško podnose ovaj postupak, počevši od injekcija hormona, neprijatnih intervencija pa do iščekivanja koje izaziva stres, a da ne govorimo o finansijskim troškovima. Direktivna Fortuna je na  $16^{\circ}$  Ovna u polusekstilu i kvinkunkusu sa natalnom osom čvorova, što najavljuje sreću i dolazak nove-stare Duše iz njenog Mjeseca, tj. iz nekog davno postojećeg odnosa. Direktivni Merkur je na  $29^{\circ}$  Ovna u polusekstilu sa natalnom Venerom, sa kojom je natalno u konjunkciji. Merkur natalno vlada četvrtom i petom kućom, a Venera uklještenom

osmom kućom, što govorи o začećу i trudnoći. Direktivni Mars je na  $7^{\circ}$  Bika u trigonu sa natalnim Saturnom na  $7^{\circ}$  Djevice, a Saturn je vladar Ascendentu i 12. kuće, pa natusa povezuje sa medicinskim intervencijama, a rekli smo da je Mars dispozitor Merkura, vladara četvrte i pete kuće. Direktivno Sunce je na  $27^{\circ}$  Bika, u trigonu sa natalnim vrhom osme kuće, što je sjajan znak za trudnoću, jer u Suncu živi Jupiter. Direktivni Saturn je u kvadratu sa natalnim Suncem, što bi moglo opisati tenziju, mada su natalno ove dvije planete u trigonu pa ovaj kvadrat neće imati težinu. Direktivni Pluton je na  $12^{\circ}$  Škorpijona, u inkonjunkciji sa natalnim Marsom, što nije sjajno, jer su natalno u opoziciji, ali pošto su vladari druge i devete kuće, nisu bitno uticali na trudnoću.

Ascendent u Sekundarnoj progresiji je na samom natalnom Mjesecu, na  $15^{\circ}$  Riba, što je važan znak da je vrijeme u kome se rješavaju pitanja Mjeseca. Sekundarna Venera je na  $29^{\circ}$  Ovna, na mjestu Merkura u Direkciji, dok je sekundarni Merkur na  $12^{\circ}$  Bika, u polusekstilu sa natalnim Marsom. Sekundarni Mars i sekundarna Fortuna su u egzaktnom sekstilu. Sekundarni Mjesec ja na  $10^{\circ}$  Vodolije, u sekstilu sa direktivnim Mjesecom. Sekundarni Mjesec je u prvoj kući pa

je to tipičan period kada žena može postati majka i osnovati porodicu. Natalni dispozitor sekundarnog Mjeseca je Uran koji je u aplikacionom trigonu sa natalnim Mjesecom, što je znak da je sada ovaj trigon aktivan. Natalni dispozitor je i Saturn koji je u separacionoj opoziciji sa natalnim Mjesecom pa ovaj aspekt ima manju težinu. Ovdje imamo i aktivan sekundarni Kiron u trigon sekstilu sa natalnom osom 6/12, čime je neki proces isceljenja započeo. Sekundarni Mjesec je u egzaktnom sekstilu sa sekundarnim Kironom, a aspekti sekundarnog Mjeseca su veoma važni.

Sada ćemo pogledati tranzitnu sliku.




Krećemo od sporijih tranzita, pa je tako tranzitni Neptun u polusekstilu sa natalnim Marsom. U Marsu žive Merkur, vladar četvrte i pete kuće, i Uran, vladar Ascendentu, Neptun je prirodni predstavnik serije 12, a

u njemu žive Mjesec, Fortuna i Južni čvor. Već u ovoj najširoj slici imamo pokazate-lje za začeće putem IVF. Tranzitni Pluton je na natalnom Neptunu. Tranzitni Saturn je na  $7^{\circ}$  Raka, na vrhu natalne šeste kuće, u egzaktnom sekstilu sa natalnim Saturnom, vladarem prve i 12. kuće, pa dovodi natusa u povoljan kontakt sa serijom 12, odnosno sa postupcima kojima je izložena zbog željene trudnoće. Natalni dispozitor tranzitnog Saturna je Mjesec u Ribama u opoziciji sa natalnim Saturnom. Međutim, ova opozicija je natalno riješena dispozicijom sjajnim tri-gonom Merkura i Jupitera.


Tranzitni Jupiter je na  $17^{\circ}$  Djevice, na natalnom Sjevernom čvoru, što je slika sreće i potomstva. Tranzitna Venera je na  $17^{\circ}$  Riba pa je aktivirala natalni Mjesec, ali i osučvorova, čime imamo potvrdu da se priziva jedna Duša sa kojom je natus već imala blizak odnos. Tranzitni Merkur je na  $17^{\circ}$

Jarca u trigon sekstilu sa osom čvorova, aktivirani su vrhovi četvrte, pete i osme kuće. Tranzitni Merkur je u kvadratu sa natalnim Plutonom, pa realno postoji opasnost od uništenja ploda, jer natalno imamo opoziciju Marsa (dispozitor Merkura) i Plutona, ali ovoga puta prevagnuli su pozitivni uticaji, vjera u uspjeh ili volja Univerzuma, Boga ili onoga u što vjerujemo. Pri tom je na Nebu bio egzaktni trigon Merkura i Jupitera, pa je iz još jednog ugla ojačan natalni trigon ove dvije planete, koji je i presudan za uspjeh. Tranzitni Kiron je u egzaktnom sekstilu sa natalnom Fortunom. Tranzitno Sunce je u kvadratu sa natalnim Kironom. Ova aktivnost govori o važnosti Kirona u procesu vantjelesnog začeća.

Da bismo suzili događaje u vremenu, upotrebljavamo tehniku Tercijarnih progresija.



**Primjer 1**  
April 23, 1979  
1:32:08 AM  
Subotica, Serbia  
46 N 06 19 E 39  
Standard time  
Time Zone: 1 hours East  
Tropical Placidus  
NATAL CHART




**Primjer 1**  
March 19, 1980  
3:39:34 AM GMT  
Subotica, Serbia  
46 N 06 19 E 39  
Greenwich Mean Time  
Time Zone: 0 hours West  
Tropical Placidus  
Day-for-a-Month Progression for January 29, 2004 at 12:32:08 AM  
GMT


Zapanjujuće je kako Univerzum udesi pravi trenutak kada nešto treba da se desi, a mi astrolozi pokušavamo da pronađemo ovakve trenutke kada se otvaraju kanali za posebne događaje. Odmah upada u oči tercijarni Mjesec na  $2^{\circ}$  Bika, tačno na natalnom Suncu, i to je ona slika začeća koje se desilo. Tercijarna osa čvorova je na direktivnoj osi Ascendent/Descendent, pa je došao trenutak da se uspostavi novi odnos natusa i nekoga ko živi u sjećanju njenog Mjeseca. Tercijarno Sunce dolazi na natalnu Veneru, vladara uklještene osme kuće. Tercijarni Jupiter je u egzaktnom trigonu sa tercijarnim Mjesecom, tj. natalnim Suncem. Tercijarni Merkur je u opoziciji sa natalnim Saturnom, a natalno su

u kvinkunkusu pa je postojala opasnost od neuspjeha, ali je izbjegnuta. U stvari, to je onaj aspekt koji u natalu govori da do začeća neće doći na prirodan način, jer je Saturn vladar 12. Ponavljanjem u Tercijaru imamo potvrdu da se to baš sada dešava. Ova opozicija može da se odnosi na strahove natusa zbog iščekivanja rezultata, kao i nervozu prilikom samog postupka. Natus je tokom postupka imala porodičnih problema pa se i na taj način ispunila ova loša simbolika, jer su Saturn i Merkur vladari prve i četvrte kuće. Tercijarni vrh osme kuće je u egzaktnom kvadratu sa natalnim Kironom.

Pogledaćemo šta nam govori solarni povratak.



**Primjer 1**  
April 23, 1979  
1:32:08 AM  
Subotica, Serbia  
46°N 06' 19°E 39'  
Standard time  
Time Zone: 1 hours East  
Tropical Placidus  
NATAL CHART



**Primjer 1**  
April 22, 2003  
9:59:47 PM  
Subotica, Serbia  
46°N 06' 19°E 39'  
Daylight Saving Time  
Time Zone: 1 hours East  
Tropical Placidus  
Solar Return for April 22, 2003 in Subotica, Serbia

Solarna osa Ascendent-Descendent je na  $29^{\circ}$  Škorpiona/Bika, pa se poklapa sa direktivnom osom 4/10, čime se ova solarna osa obrnuto poklapa sa natalnom osom 4/10

orbisa  $1^{\circ}$ . Ovo je sasvim jasna slika da će se natus ove godine baviti pitanjima četvrte i 10. kuće, a to je, između ostalog, stvaranje sopstvene porodice. Solarna osa Ascendent-


Descendent takođe se u samom solaru poklapa sa osom čvorova, tj. na Ascendentu je Južni čvor, a to je obnavljanje nekog karmičkog odnosa, ili, drugačije rečeno, dolazak neke nove-stare Duše u njen život. Vladar solarnog Ascendenta je Mars u konjunkciji sa vladarem osme solarne kuće Mjesecom, pa je osoba na ovaj način povezana sa simbolikom osme kuće – trudnoćom. Mars je vladar i 12. kuće, nalazi se na  $0^{\circ}$  Vodolije, pa je u pitanju neki neobičan početak trudnoće, a lako je zaključiti da je posredi IVF. Mjesec je u znaku Jarca, u izgonu, i govori da se trudnoća nije desila lako, dok stepen Vodolije na kome je Mjesec jasnije opisuje sliku nečeg relativno novog i nesvakidašnjeg, vezanog za samu trudnoću. Četvrta solarna kuća počinje u Ribama, vladari su Jupiter i Neptun u opoziciji orbisa  $5^{\circ}$ . Vladar pete i 12. kuće je Mars. Mars i Jupiter su u opoziciji orbita  $8^{\circ}$ . Ovo govori da začeće neće ići lako, postoji opasnost da se uopšte ne desi oplod-

nja, ili ako se desi, da se embrion ne razvija. Ipak, drugi vladar četvrte kuće je egzaltirani Neptun, čiji je dispozitor Uran na  $2^{\circ}$  Riba u egzaktnom sekstilu sa Suncem na  $2^{\circ}$  Bika, u kome živi Jupiter. Uran je u konjunkciji sa Fortunom na  $8^{\circ}$  Riba, pa je i to još jedan znak da se dešava čudo i da prvobitna, neobećavajuća slika ima sjajan ishod. U Solarnom horoskopu najvažniji su aspekti Sunca, a pored njih – egzaktni aspekti, i oni ukazuju na događaje. Venera je u snažnom sekstilu sa Marsom, a u njoj žive Merkur i Sjeverni čvor. Mjesec, vladar osme kuće, jeste u trigon sekstilu sa solarnom osom čvorova pa će trudnoća uspjeti i rodiće se novi život. Solarni Jupiter je na vrhu tercijarne osme kuće i samim tim u kvadratu sa natalnim Kironom. Solarna Fortuna je u egzaktnom sekstilu sa natalnim Kironom. Solarni Kiron je na  $18^{\circ}$  Jarca, u sekstilu sa natalnim Uranom na  $19^{\circ}$  Škorpiona, pa je u skoro svim prognostičkim tehnikama aktivan Kiron.

**Primjer 2**

NATAL CHART

November 12, 1974  
12:30:24 PM  
Standard time  
Ivangrad, Montenegro  
42 N 50' 19 E 52'  
Time Zone: 1 hours East  
Tropical Placidus



Ovo je horoskop još jedne moje priateljice. Kada smo se upoznale, imala je 35 godina. Već nekoliko godina je bila u braku i nije imala djece. Tada mi je rekla da će do 40. godine imati troje. Ja sam pomislila da je to zaista teško ostvarljiv plan, jer znam koliko je nekada teško ostati u drugom stanju, pa i ako se desi trudnoća, koliko je teško održati je i iznijeti do kraja. A tek kad se rodi dijete, koliko je brige, pažnje i odričanja potrebno, pa lako odustanemo posle jedno ili dvoje. Dok pišem ovaj rad, ona čeka porođaj, treće dijete, posle blizanaca. Valjda sam njen horoskop sa punom osmom kućom i svim ličnim planetama u Škorpionu, pored teških kriza, govore o njenoj intuiciji i snazi da ostvari što god poželi.

Kao i u prethodnom primjeru, četvrta i peta kuća je u Blizancima, neplodnom znaku. Južni čvor u četvrtoj kući u Blizancima govori o karmičkom dugu prema porodici u kojoj je rođena, ali i u jednoj široj slici o problemima sa djecom. Otac joj je umro veoma mlad, a kasnije i majka. Merkur, vladar četvrtne i pete kuće, nalazi se na  $0^{\circ}$  Škorpiona, u egzaktnoj konjunkciji sa Mjesecom u osmoj kući. U Mjesecu živi Saturn, vladar 12, pa su serije 4, 5 i 12 povezane. Saturn je na vrhu


šeste kuće, na  $18^{\circ}$ , a dispozitor Mjesec, vladar šeste kuće, dovodi ga u osmu kuću, pa možemo posumnjati da je neki zdravstveni problem razlog što se trudnoća ne dešava na prirodan način. Uran je na  $29^{\circ}$  Vage, kao predstavnik serije 11, u konjunkciji sa Mjesecom i Merkurom, pa je to opet nešto nesvakidašnje i neobično kada su djeca i stvaranje porodice u pitanju. Uran na  $29^{\circ}$  u osmoj kući može ukazati i na gubitak, ovdje na problem sa trudnoćom, stvaranjem porodice i, uopšte, sa odnosima u njoj. U ovom slučaju, kao i u prethodnom, imamo trigon Merkura i Mjeseca sa Jupiterom, vladarem 10. i uklještene prve kuće pa će ona osnovati svoju porodicu iako je Jupiter u kvadratu sa osom čvorova. O tome govore i vladari čvorova, a to su Merkur i Jupiter koji su u trigonu. Posebno dobro je to što je Jupiter vladar 11. kuće i kao takav se ne protivi Merkuru, kao vladaru četvrtne i pete kuće, a to znači da neće spriječiti začeće.

Mars, dispozitor svih pet planeta u Škorpionu, u trigonu je sa Jupiterom, takođe. Drugi dispozitor Pluton u egzaktnom je kvinkunksu sa Jupiterom, preko  $8^{\circ}$ , a kako je Pluton na vrhu osme kuće, to je moguć znak da ona jako teško podnosi trudnoću, ne osjeća se lijepo, mora da promijeni navike, ishranu... Jedna od prepostavki sa ovim kvinkunksom je da i ako se desi začeće, trudnoća neće ostati, makar ne iz prvog puta. Dispozicijom preko Neptuna Jupiter ide u egzaktan sekstil sa Plutonom, što govori da će se prilagoditi i pronaći način da riješi ovaj problem. Vladar osme kuće Venera, koja je i signifikator plodnosti, nalazi se u izgonu, što opet nije sjajan znak za trudnoću. Ipak, Venera je u trigonu sa Saturnom u Raku, vladarem 12. i prve kuće, pa opet imamo tu

dobru vezu, koja omogućava da skladno teče energija 1, 8 i 12. Trigon Venere sa Saturnom govori i o podršci u vremenu, odnosno trudnoći u kasnijim godinama, u simbolici 12. kuće, što je IVF, kao i stvaranju porodice, jer je Mjesec u padu, a dispozicijom preko Marsa ide opet u pad, ali u trigon sa Saturnom u Raku. U ovom slučaju, Kiron je na  $21^{\circ}$  Ovna, pa dispozicijom preko Marsa ide u konjunkciju sa Merkurom, vladarem


četvrte i pete kuće, a preko Plutona na sam vrh osme kuće. I u ovom primjeru imamo vezu Plutona sa osmom kućom, preko njegove pozicije u 8.

Sada čemo pogledati šta je aktivirano u Direkcijama i Sekundarnim progresijama kada je urađen transfer embriona (15. juna 2010).



**Primjer 2**  
June 15, 2010  
11:30:24 AM GMT  
Ivangrad, Montenegro  
42 N 50' 19 E 52'  
Greenwich Mean Time  
Time Zone: 0 hours West  
Tropical Placidus  
Degree-for-a-Year Progression for June 15, 2010 at 11:30:24 AM GMT

U Direkcijama vidimo aktiviranu natalnu Veneru trigon sekstilom sa direktivnom osom Ascendent-Descendent. Venera natalno vlada osmom kućom, što je znak velike pozitivne promjene vezane za samog natusa, a to je trudnoća. Direktivni vrh osme kuće je na  $11^{\circ}$  Škorpiona, samo što je prešao preko natalnog Marsa na  $10^{\circ}$  istog znaka. Ovo govori o jednom neuspjelom pokušaju IVF, koji se desio oko pola godine ranije. Mars je dis-



**Primjer 2**  
December 18, 1974  
1:40:07 AM GMT  
Ivangrad, Montenegro  
42 N 50' 19 E 52'  
Greenwich Mean Time  
Time Zone: 0 hours West  
Tropical Placidus  
Day-for-a-Year Progression for June 15, 2010 at 11:30:24 AM GMT


pozitor vladara četvrte, pete i osme kuće, što smo razradili u prethodnom tekstu, pa je jasno vezan za pokušaj začeća, odnosno predstavlja njegov rezultat. Mars je vladar druge i devete kuće i kao takav govori da je ovaj neuspjeo pokušaj zahtjevalo finansijske troškove i putovanje, jer je rađen dalje od mesta boravka. Direktivna osa čvorova je na  $15^{\circ}$  Raka-Jarca i u polusekstilu-kvinkunkusu sa natalnom osom Ascendent-Descendent, pa kao i u pret-

hodnom primjeru, imamo najavu ponovnog uspostavljanja karmičkog odnosa, a kako je Južni čvor na egzaltaciji Jupitera, ona je dobila dva mala anđela. Direktivni Mars je na  $15^{\circ}$  Strelca u trigon sekstu sa osom Ascendent-Descendent, pa je sada već povoljnija situacija da Mars kao dispozitor pomenutih planeta da šansu za pozitivan rezultat. Još jedan lijep znak je dalo direktivno Sunce, a Sunce je život, i to je polusekstu sa natalnom Fortunom. Direktivna Venera je na vrhu 11. natalne kuće, a kako Venera vlada osmom kućom u natalu, to je trudnoća povezana sa nečim neobičnim, sa serijom 11, što jeste vantjelesna. Direktivna Fortuna je na  $1^{\circ} 37'$  Riba pa je u trigonu sa natalnim Merkurom na  $0^{\circ} 55'$  Škorpiona. Iako je trigon izašao iz dozvoljenog orbisa, govori da je u prethodnom periodu pripreme za IVF slao pozitivne vibracije. Direktivni Mjesec je na vrhu natalne 10. kuće, što govori o stvaranju sopstvene porodice, a ujedno je u sekstu sa natalnim vrhom osme kuće.

Sada ćemo analizirati sliku u Sekundarnim progresijama. Sekundarni Mjesec je na  $14^{\circ} 54'$  Vodolije na natalnom Ascendentu pa otvara osobu eteričnom uticaju i govori o dešavanjima na polju majčinstva. Pri tom je

Sekundarni Mjesec u 11. kući sekundarnog Horoskopa te govori da se porodica stvara na neobičan način – putem IVF. Sekundarni Mjesec je u sekstu sa sekundarnom osom Ascendent-Descendent. Sekundarna Fortuna je na vrhu natalne četvrte kuće pa je to sreća koja dolazi u dom. Sekundarni Mars je stigao na sam vrh natalne 10. kuće i sada dozvoljava da se stvori porodica. Sekundarno Sunce je na  $25^{\circ}$  Strelca te je u polusekstu sa natalnom Fortunom. Sekundarni Merkur je u trigonu sa direktivnim Saturnom, a ovo je važno jer su natalno u konjunkciji Merkur, vladar četvrte i pete kuće, i Mjesec u kome živi Saturn, natalni vladar 12, pa ovim trigonom kao da su se otvorila vrata za začeće i povoljan period da Saturn ne osuđeti Merkura. Ovdje imamo sekundarnog Kirona na  $20^{\circ} 02'$  Ovna u kvinkunkusu sa natalnim Suncem na  $19^{\circ} 42'$  Škorpiona.


Pogledaćemo tranzitnu sliku.




Počećemo od sporih tranzita. Najprije uočavamo poziciju Urana na  $0^{\circ}$  Ovna, a to nam govori da se promjenio njegov natalni dispozitor. To je sada Mars, koji je pokazao koliko je važan i u progresijama, jer je dispozitor vladara četvrte, pete i osme kuće. Tu je i Jupiter na  $1^{\circ}$  Ovna, pa i on djeluje preko svog natalnog dispozitora Marsa, s kojim je natalno u trigonu. Pošto je pet linijskih planeta u Škorpionu, pomislili bismo da će se trudnoća lakše desiti tokom prethodne godine, kada je Jupiter tranzitirao znakom Riba, međutim, tada je Jupiter sam sebi bio dispozitor odnosno Neptun, a oni su natalno u egzaktnom kvadratu po osmom stepenu, koji možemo povezati sa neuspješnom trudnoćom. Uran pravi kvinkunks ka Mjesecu i Merkuru, ali nije spriječio začeće, već je ona preduzela sve potrebne terapije u cilju pripreme za postupak oplodnje, koje su zahtjevale bitne promjene u načinu života. Vratićemo se na spore tranzite. Tranzitni Pluton je u Jarcu, već neki period, a on je takođe važan kao dispozitor planeta u Škorpionu. Njegov natalni dispozitor je Saturn koji je u trigonu sa Marsom, Suncem i Venerom, što opet ne predstavlja prepreku za začeće. Tranzitni

Neptun je na  $28^{\circ} 39'$  Vodolije i u trigonu je sa Uranom na  $29^{\circ}$  Vage te su prirodni predstavnici serija 11 i 12 u trigonu, odnosno Neptun je aktivirao Uran, a Uran je njegov natalni dispozitor tokom dugog prolaska kroz znak Vodolije. Tranzitni Saturn je na  $28^{\circ}$  Djevice u polusekstilu sa natalnim Uranom, a oba su natalni vladari Ascendenta, a Saturn još i 12. kuće, pa je time ona uskladila svoje tijelo sa ritmom Univerzuma, stvorivši uslove za uspješan postupak IVF. Natalni dispozitor tranzitnog Saturna je Merkur, pa je aktiviran vladar četvrte i pete kuće, već neko vrijeme. Tranzitni Mars je u Djevici, pa je i njegov natalni dispozitor Merkur. Pored toga, natalni Merkur je aktiviran i tranzitnim Suncem i Merkurom. Tranzitna Venera je u kvadruatu sa natalnim Merkurom, ali to nije zasmetalo začeću. Venera natalno vlada trećom i osmom kućom, pa je kroz ovaj kvadrat opisala strepnju prilikom očekivanja rezultata, kao i neprijatnost samog postupka. Tranzitni Kiron ovdje je na  $0^{\circ}$  Riba u egzaktnom trigonu sa natalnim Mjesecom i Merkurom.

Pogledaćemo sliku u Tercijarnim progresijama.



**Primjer 2**  
November 12, 1974  
12:30:24 PM  
Ivangrad, Montenegro  
42 N 50 19 E 52  
Standard time  
Time Zone: 1 hours East  
Tropical Placidus  
NATAL CHART




**Primjer 2**  
March 2, 1976  
6:10:19 AM GMT  
Ivangrad, Montenegro  
42 N 50 19 E 52  
Greenwich Mean Time  
Time Zone: 0 hours West  
Tropical Placidus  
Day-for-a-Month Progression for June 15, 2010 at 11:30:24 AM GMT

Tercijarni Ascendent je stigao na  $14^{\circ}$  Raka u blizini natalnog Saturna, vladara prve i 12. kuće. Ovo se tiče nje same, njenog tijela, simbolike Raka, što jeste majčinstvo, ali na način 12. kuće – vantjelesnom oplodnjom. Mjesec je otisao u 10. kuću, a to je pored karijere i porodica koju stvaramo. Mjesec je u egzaktnom sekstilu orbisa  $3^{\circ}$  sa natalnom Fortunom, koja je spoj Sunca, Mjeseca i Ascendentia. Još jednu sliku imamo u samom tercijarnom horoskopu, a to je konjunkcija Merkura i Venere u Vodoliji orbisa  $5^{\circ}$  u osmoj kući, a oni su vladari tercijarne četvrte i pete kuće, u trigonu sa tercijarnim Marsom, vladarem uklještene tercijarne pete kuće, koji se nalazi na  $23^{\circ}$  (Vodolija) Blizanaca u 12. kući. Ovo je jasna simbolika vantjelesnog začeća. Tercijarna osa čvorova je na  $14^{\circ}$  Bika-Škorpiona u trigon sekstilu sa tercijarnim Ascendentom. Natalni Ascendent je na  $15^{\circ}$  Vodolije, pa je u kvadratu sa

tercijarnom osom čvorova i govori da se već neko vrijeme preuzimaju akcije da se ostvari potomstvo. Vladar tercijarne osme kuće je Uran i nalazi se u tercijarnoj petoj kući u konjunkciji sa Sjevernim čvorom orbisa  $8^{\circ}$ , što je opet slika trudnoće i potomstva. Tercijarni Merkur je u kvadratu sa natalnim Suncem, što bi se moglo protumačiti kao akcija koja se pokreće u cilju začeća, gdje su uvijek prisutna oba partnera, a Sunce je kod nje vladar 7. Tercijarno Sunce je na sekundarnom Jupiteru, koji donosi rast i ekspanziju, a kod nje je Jupiter vladar uklještene prve i 10. kuće, što govori o njenoj novoj ulozi i stvaranju porodice. Tercijarni Jupiter je na  $24^{\circ}$  Ovna u trigonu sa direktivnim Saturnom na  $24^{\circ}$  Lava i u trigonu sa sekundarnim Merkurom na  $24^{\circ}$  Strelca, što je opet jedna slika kakvu samo Univerzum može da stvori i da objedini preko tri povezane tehnike. Tercijarna osa čvorova je u trigon sekstilu sa direktivnim


Neptunom, koji je još jedan dio nje, jer je drugi vladar uklještene prve kuće. Tercijarni Kiron je na  $25^{\circ}$  Ovna, u sekstilu sa natalnim vrhom pete kuće, orbis je  $1^{\circ}$ .



**Primjer 2**  
November 12, 1974  
12:30:24 PM  
Ivangrad, Montenegro  
42 N 50 19 E 52  
Standard time  
Time Zone: 1 hours East  
Tropical Placidus  
[NATAL CHART](#)

U solarnom horoskopu odmah uočavamo egzaktan sekstil Mjeseca i Sunca, priča o začeću, a Mjesec i Sunce su vladari 11. i 12. solarne kuće, pa je u ovom slučaju vantjelesno začeće kodirano u ovom aspektu. Solarni Ascendent je u Djevici te je to godina u kojoj, pored ostalog, može biti bolesna ili na nekoj terapiji. Merkur je vladar Ascendentata i 10. kuće, u konjunkciji sa Suncem orbisa  $4^{\circ}$ . U Suncu živi Mars, koji se nalazi u 12. kući na  $11^{\circ}$  Lava, vlada uklještenom osmom kućom. Zanimljivo je da je Mars dispozitor Sunca, čime su u recepciji i kvadratu orbisa  $8^{\circ}$ . Te godine ona je imala neuspjelo pokušaj IVF. Kao i u progresijama, ponovo imamo aktivirane serije 4, 5, 8 sa 11 i 12. Merkur, vladar Ascendentata, u kvadratu je sa Jupite-

Solarni povratak je sledeći horoskop koji ćemo analizirati.




**Primjer 2**  
November 12, 2009  
12:11:57 AM  
Ivangrad, Montenegro  
42 N 50 19 E 52  
Standard time  
Time Zone: 1 hours East  
Tropical Placidus  
[Solar Return for November 12, 2009 in Ivangrad, Montenegro](#)

rom (vl. sol. 4. i 8) i egzaktnom kvadratu sa Neptunom (serija 12) u Vodoliji (serija 11) u šestoj kući, pa postupak nije uspio iz prvog puta. Dispozitor Jupitera i Neptuna je retrogradni Uran, s kojim je Merkur u jakom trigonu, što je znak za odložen uspjeh. Sama osma kuća počinje na  $29^{\circ}$  Riba pa je sasvim jasno da se trudnoća dešava neobično, povezano sa ljekarima, laboratorijom. Vladar znaka koji se nastavlja i zauzima skoro čitavu osmu kuću je Mars u 12. kući na  $11^{\circ}$ , kako smo već uočili. Saturn je vladar pete kuće, egzaltiran je na  $1^{\circ}$  Vage, u njemu živi Sjeverni čvor, što obećava potomstvo, ali sa Plutonom je u egzaktnom kvadratu, pa to možemo povezati sa prvom neuspjelom IVF u toj godini, te troškovima, putovanjem zbog

samog postupka, patnjama zbog neuspjeha i strahovima od sledećeg pokušaja... Ovo zaključujemo jer je Pluton dispozitor planeta u Škorpionu u trećoj kući. Još jedna vrlo važna stvar jeste trigon sekstil koji gradi solarni Merkur (1 i 10) sa solarnom osom čvorova, koji govori da će ona ove godine uspostaviti jedan vrlo važan odnos, a kako je Sjeverni čvor u petoj kući, jasno je da to mogu biti djeca. Solarni Kiron je u egzaktnom sekstilu sa natalnim.


**Primjer 3**  
NATAL CHART



Ovo je jedna sasvim neobična priča o ženi koja je sa svojim partnerom od srednjoškolskih dana. Posle 25 godina zajedničkog života dobili su dijete putem IVF, i to u njenoj 43. godini. Ponovo imamo Vodoliju na Ascendentu. U ovom slučaju Rak je na vrhu pete kuće, a vladar Mjesec u Ribama, pa su ovo dva vrlo plodna znaka. Merkur, vladar četvrte kuće, nalazi se u petoj kući, u Raku, u konjunkciji sa Fortunom i trigonu sa svojim dispozitorom Mjesecom. Ovo je znak naglašene plodnosti i lakog začeća, pa što je onda problem? Mjesec je u opoziciji sa Venerom, vladarem osme kuće, koja je u padu, a ona je signifikator plodnosti.


Mjesec ima i opoziciju sa Plutonom, malo šireg orbisa, a u Plutonu živi Neptun, dispozitor Mjeseca, pa su objedinjena dva koda za nemanje djece. Merkur, signifikator djece, u kvadratu je sa Saturnom, vladarem 11, 12. i prve kuće. Sjajno je to što se opozicija Mjeseca sa Venerom i Plutonom rješava preko dispozitora Merkura, a kvadrat Merkura i Saturna postaje trigon Mjeseca i Marsa. Ovo obećava uspješno začeće, ne baš brzo i lako, jer dispozicija se dešava kasnije. Rekli smo da je Venera, vladar osme kuće, u padu, a to nije dobro za trudnoću, pa iako se začeće nekada desilo prirodnim putem, embrion nije uspio da se zadrži u materici. Venera je u konjunkciji sa Plutonom, a Pluton sa Uranom, pa kao da nešto uništava taj plod. Pri tom u Plutonu žive Mars i Južni čvor. U osmoj kući imamo Južni čvor u blizini pada Mjeseca, u egzaktnoj konjunkciji sa Marsom i jakim kvadratom sa Suncem, vladarem sedme kuće. Možda je i neka karmička priča iz partnerove genetike uzrok tolikim godinama bez potomstva. U znaku Blizanca nemamo planeta, ali u Lavu su benefici Sunce i Jupiter, pa kad odmjerimo sve ove faktore, vidimo da ima šanse za život. Jupiter je jako važan, jer je vladar uklještenog dijela prve kuće i predstavlja nju i ono što ona postaje, pa kako u Jupiteru živi Mjesec, a on je u egzaktnom trigonu sa Saturnom (vl. 1. i 12) po  $12^\circ$ , to je znak da se majčinstvo dešava kasnije u vremenu i da će ona tada biti zaista srećna i kompletна. Drugi vladar uklještene prve kuće je Neptun u devetoj kući, u egzaktnom sekstilu sa Uranom preko  $21^\circ$  (Strelac), pa je i to jedna lijepa slika putovanja koje spaja seriju 11 i 12, gdje se dešava nešto posebno. Ona se napokon odlučila za vantjelesnu oplodnju i po savjetu su otišli u Prag da pokušaju. Kod nje je Kiron

na  $29^\circ$  Riba, u trigonu sa Suncem. Jupiter je dispozitor i Kirona i Mjeseca, vladara pete kuće, a sa drugim dispozitorom Neptunom je u trigonu. Imamo vezu Plutona sa osmom kućom, preko Venere, vladara osme kuće, sa kojom je u konjunkciji orbisa  $8^\circ$ .



Direktivni Ascendent je na  $10^\circ$  Ovna, u kvinkunkusu sa natalnom Venerom, vladarem osme kuće, pa u ovom periodu ona odlučuje da pokuša da ostane u drugom stanju. Natalni dispozitor je Mars na Južnom čvoru u osmoj kući, u kome žive Neptun i Saturn, pa je i to šira slika njene namjere. Rekli bismo da zbog Južnog čvora ovo neće uspjeti, međutim, Mars je natalno u trigonu sa Mjesecom, vladarem pete kuće, i dispozitor je Južnog čvora. Jedino što nije uspjelo bila je stimulacija jajnika prethodnog mjeseca. Direktivni Mjesec je na  $22^\circ$  Ovna, i dalje u dozvoljenom orbisu za egzaktan kvinkunks sa Uranom i Neptunom na  $21^\circ$  Djevice i

Direkcije i Sekundarne progresije za 20. jul 2010, kada je izvršen transfer embriona.




Škorpiona. Mjesec je njen vladar pete kuće, u kome živi Merkur, vladar četvrte kuće, što je jasna slika vantjelesne oplodnje. Direktivni Merkur je na  $26^\circ$  Lava, u egzaktnom polusekstilu i kvinkunkusu sa natalnom osom 6/12. Ova osa je važna jer ona uzima hormonsku terapiju i u čestom je kontaktu sa ljekarima i klinikom na kojoj se vrši ovaj postupak. Direktivna Fortuna je na  $2^\circ$  Djevice, u trigon sekstilu sa natalnom osom čvorova, što je spoj Sunca, Mjeseca i Ascendenta sa pričom iz njenog Mjeseca. Direktivni Pluton je na  $1^\circ 45'$  Škorpiona i takođe će napraviti konjunkciju sa Južnim čvorom i Marsom. U Plutonu živi Neptun, drugi vladar prve kuće,

pa je to sada ona (natus) koja dolazi u osmu kuću i dešava se trudnoća. Direktivni Kiron je na  $12^{\circ}$  Bika, u polusekstilu sa natalnim Saturnom i kvadratu sa natalnim Jupiterom.

U Sekundarnim progresijama imamo osu Ascendent-Descendent na  $29^{\circ}$  Ovna-Vage, što je karakteristično za velike promjene u životu. Natalni dispozitor sekundarnog Ascendenta je opet Mars, kao i u Direkcijskim. Sekundarni Ascendent nedavno se poklopio sa sekundarnom osom čvorova. Vrh sekundarne četvrte kuće dolazi na natalnu Fortunu, a vrh sekundarne osme u trigonu sa natalnim Suncem. Sekundarni Mjesec je na vrhu osme natalne kuće, prešao je u novi znak, u Vagu, i sada je njegov natalni dispozitor Venera, vladar osme kuće, u Djevici (na terapiji), u konjunkciji sa Plutonom orbisa 8 – radi trudnoće. Pluton je natalno u konjunkciji sa Uranom, i u njemu znamo da živi Neptun, a to je veza sa 11 i 12, koja je sada aktivirana preko sekundarnog Mjeseca. Sekundarni Mjesec je na manje od  $10^{\circ}$  od vrha osme kuće, a u vrijeme poklapanja desiće se porodaj. Sekundarno Sunce je na  $12^{\circ}$  Djevice, u polusekstilu i kvinkunksu sa natalnim trigonom Saturna i Jupitera preko  $12^{\circ}$  (veza 1, 11 i 12). Sekundarna Venera je izšla iz

orbisa za polusekstil sa natalnim Suncem, ali ulazi u orbis za sekstil-trigon sa natalnom osom čvorova. Sekundarna Fortuna je vrlo brzo u konjunkciji sa natalnim Saturnom. Sekundarni Merkur je u polusekstilu sa direktivnom Venerom. Sekundarni Ascendent je u polusekstilu sa natalnim Kironom, a sekundarni Kiron u polusekstilu sa sekundarnom osom čvorova.

Pogledaćemo sliku u tranzitima.




Tranzitni Neptun je na  $28^{\circ}$  Vodolije, u retrogradnom hodu, i uskoro će preći preko natalnog Ascendenta, mada se on sporo kreće. Ono što je bitno u ovom trenutku jeste da će je on dovesti u direktni kontakt sa nečim iz serije 12, a to jeste IVF. Ovo možemo zaključiti iz još jednog razloga, a to je Mjesec u Ribama koji živi u Neptunu, pa tranzitom on nosi sve svoje natalno sjećanje. Neptunov natalni dispozitor je Uran, već duže vrijeme, ali za dva dana će Saturn preći u znak Vage,


pa će njegov natalni dispozitor biti Venera, vladar osme kuće, u natalu, a Venera i Uran su natalno u Djevici povezani preko Plutona u kome živi Neptun. Ovog dana Mjesec je u tranzitu kroz znak Škorpiona, pa je aktivirao i Plutona, čime je ovaj stelijum oživio. Uran je nedavno prešao u znak Ovna te je aktivirao natalnog Marsa u osmoj kući, a pravi trigon i ka natalnom Suncu. Jupiter je takođe u Ovnu, pa i on trenutno živi u natalnom Marsu. Tranzitom ose čvorova i Sunca kroz znak Raka aktiviran je i natalni Mjesec, vladar pete kuće, koji je u trigonu sa natalnim Marsom. Tranzitna Venera je prešla preko natalne i aktivirala natalnog Merkura u pe-

toj kući. Tranzitni Merkur je na  $18^{\circ}$  Lava, u polusekstu sa natalnim Plutonom, a natalni je Merkur vladar četvrte kuće i sa Plutonom u sekstu. U samom trenutku transfera embriona, tj. tranzitnom horoskopu, Venera je u egzaktnom trigon sekstu sa osom čvorova, a Jupiter u egzaktnom sekstu sa Fortunom, pa je ovo zaista bio srećan trenutak. Tranzitni Saturn je u egzaktnoj opoziciji sa natalnim Kironom. Tranzitni Kiron je na  $0^{\circ}$  Riba pa je njegov natalni dispozitor Jupiter u egzaktnom trigonu sa Saturnom, čime se poništava prethodno navedena opozicija.

Pogledaćemo Tercijarne progresije.




Na samom tercijarnom Ascendentu je Uran na  $3^{\circ}$  Vage, natalni vladar Ascendenta i tercijarni vladar pete kuće i prirodni predstavnik serije 11. Tercijarni Jupiter je u konjunkciji sa njim, orbisa  $1^{\circ}$ , a Jupiter u natalu



vlada prvom i 10. kućom, što je znak da ona stvara svoju porodicu. Tercijarni Merkur je na vrhu tercijarne pete kuće u Vodoliji, u egzaktnom trigonu sa tercijarnim Uranom, on vlada 12. i devetom kućom u tercijaru (a na-


talni je vladar 4. kuće) pa imamo uklopljene serije 5, 11, 1, 10, 12 i 4. Tercijarna Venera je vladar tercijarne osme kuće i ona je u kvadratu sa natalnim Merkurom orbisa  $1^\circ$ , ali je tercijarna Fortuna na natalnoj Veneri, koja i u natalu vlada osmom kućom. Tercijarna osa čvorova je u trigon sekstilu sa natalnim Suncem orbisa  $1^\circ$ . Tercijarni Mars je u kvadratu sa natalnom osom Ascendent-Descendent, pa je baš sada preduzeta akcija da se poku-

ša začeće i trudnoća (Mars je natalnoj osmoj kući). Tercijarni Saturn je u kvinkunkusu sa natalnim Uranom pa imamo vezu 11, 12 i 1, kada treba nešto prilagoditi i promjeniti, a znamo koliko priprema zahtjeva proces IVF. Tercijarni Kiron je na  $0^\circ 55'$  Ovna, pa je u trigonu sa natalnim Suncem, dok je tercijarno Sunce na  $29^\circ$  Vodolije, u polusekstilu sa natalnim Kironom.



**Primjer 3**  
July 24, 1967  
8:52:38 PM  
Derna, Libya  
32 N 46' 22 E 39'  
Standard time  
Time Zone: 2 hours East  
Tropical Placidus  
NATAL CHART

Solarni Ascendent je na  $9^\circ$  Bika, u egzaktnom sekstilu sa natalnim Mjesecom na  $9^\circ$  Riba, vladarem natalne pete kuće, u kome žive Merkur i Fortuna. Vladar solarnog Ascendenta je Venera u Blizancima, u trigonu sa vladarem solarne osme kuće Jupiterom, orbisa  $4^\circ$ , i sa vladarem solarne 12. kuće Neptunom, orbisa  $5^\circ$ . Jupiter i Neptun su u Vodoliji na samom vrhu 11. solarne kuće. Jupiter je, kao vladar solarne osme kuće,




**Primjer 3**  
July 23, 2009  
11:11:17 PM  
Derna, Libya  
32 N 46' 22 E 39'  
Standard time  
Time Zone: 1 hours East  
Tropical Placidus  
Solar Return for July 23, 2009 in Derna, Libya

retro, pa je trudnoća uspjela iz drugog puta. O tome govori i Mjesec, natalni vladar pete kuće, a solarne treće kuće, koji je u opoziciji sa Jupiterom i Neptunom i kvinkunkusu sa Uranom. Venera je u solaru u T-kvadratu sa Uranom i Saturnom, pa je razlog neuspjeha u prvom pokušaju bila neuspješna punkcija jajnika, kada nije izvadena nijedna kvalitetna jajna ćelija. Kvadrat solarne Venere i Ura na rješava se dispozicijom, pa je drugog puta

sve bilo u redu. Vladar solarne 11. kuće je Uran, na samom vrhu solarne 12. kuće. Dispozitor Mjeseca je Sunce u četvrtoj kući, na  $1^{\circ}$  Lava, u konjunkciji sa Južnim čvorom i Merkurom, čiji je dispozitor, takođe. Sunce je u trigonu sa Uranom, vladarem 11. u 12. kući. Mjesec, solarni vladar četvrte kuće, u solarnoj je petoj kući, dok je Sunce, solarni vladar pete kuće, u četvrtoj solarnoj kući. Venera i Mjesec su u sekstilu u solaru, a to su planete koje natalno vladaju osmom i petom kućom. Solarni Kiron je u 11. solarnoj kući, u konjunkciji sa Jupiterom i Uranom, vladarem solarne 11. i 12. kuće.


**Primjer 4**  
NATAL CHART



Ovo je jedan od horoskopa zbog kojih je vrijedilo istraživati ovu temu. U njemu ima mnoštvo faktora koji govore da će teško ostvariti potomstvo, a samo par njih koji govore suprotno. Ova žena se više od 10 godina borila sa sterilitetom, da bi u 38. postala majka. Vrh pete kuće je u Biku, plodnom znaku, ali je Venera u 12. kući i u snažnoj aplikacionoj opoziciji sa retrogradnim Saturnom u šestoj kući. Ona ima hormonske probleme i policistične jajnike. Vladar šeste kuće i dispozitor Saturna je Merkur, takođe u 12. kući,

u konjunkciji sa Venerom orbisa  $8^{\circ}$ , što nas upućuje da će se ovaj problem odraziti na začeće i trudnoću. Venera je, pored toga što je u 12. kući i u konjunkciji sa Neptunom (serija 12), koji je na vrhu 12. kuće, ponovo sa orbisom  $8^{\circ}$ , što je jasna veza 5, 12 i 8. Zabrinjavajuće je to što dispozicijom Venera ide u znak Jarca i u kvinkunks sa Saturnom. Ovakva pozicija ne govori u prilog rješenju njenih problema, ali konjunkcija sa Sjevernim čvorom daje nadu da će dobiti potomstvo, mada kasnije u životu, o čemu govori znak Jarca. Mars je vladar četvrte i 11. kuće, nalazi se u 11. na  $29^{\circ}$  Škorpiona (simbolika 12 i 8), u konjunkciji sa Neptunom. Ovakve postavke vladara četvrte i pete kuće govore da je začeće povezano sa serijama 11 i 12, odnosno sa vantjelesnom oplodnjom. Vladar osme kuće je Sunce u prvoj kući, u konjunkciji sa Sjevernim čvorom, pa je moguće da će nekada neka trudnoća biti uspješna. Sunce je u kvadratu sa Plutonom, vladarem 11, u kome žive Mjesec i Mars, što navodi na pomisao da do trudnoće neće lako doći, jer i ako se desi začeće (Sunce i Mjesec su u sekstilu), nešto uništava plod. Čini se da ovde imamo dvostruki problem – i u začeću, zbog lošeg kvaliteta polnih ćelija, i u održavanju trudnoće. U znaku Blizanaca imamo Saturna, i to baš na stepenu Blizanaca koji je u simbolici djece. Mjesec je slab, u svom padu, i u njemu živi Južni čvor, pa karmička priča i priča njene genetike kao da ne daju stvaranje porodice. Dispozicijom Mjesec ide na  $29^{\circ}$  Škorpiona, pa imamo gubitke u njegovoj simbolici. Preko Plutona, Mjesec dispozitora u Vagu, u kvadrat sa Suncem, što ukazuje na problem sa začećem, ali i u sekstil sa Neptunom. Ovaj sekstil daje šansu da se uradi nešto u cilju stvaranja porodice, ali to neće biti lako, jer se dispozicija doga-


đa kasnije. Još jedan dobar znak je egzaktan sekstil Merkura i Urana, što jeste znak da se dijete dobija na neobičan način. Vladar pete kuće Venera kod nje je u trigonu sa Kironom, a Saturn, vladar prve kuće, u sekstilu je sa njime.



**Primjer 4**  
June 2, 2009  
5:36:50 AM GMT  
Niksic, Montenegro  
42 N 46 18 E 56  
Greenwich Mean Time  
Time Zone: 0 hours West  
Tropical Placidus  
Degree-for-a-Year Progression for June 2, 2009 at 5:36:50 AM GMT

Direktivna osa 4/10 je na  $0^\circ$  Blizanaca-Strelca, pa je to neki novi početak u porodici ili stvaranje porodice. Direktivni Ascendent je u kvadratu sa natalnim Plutonom, u kome žive Mjesec i Mars, vladar natalne četvrte kuće. Pluton vlada 11. kućom u natalu, pa je ona sada preduzela akciju u cilju stvaranja porodice vantjelesnom oplodnjom. Direktivno Sunce, natalni vladar osme kuće, u sekstilu je sa natalnom Venerom i u kvinkunksu sa natalnim Saturnom. Venera natalno vlada petom i 10. kućom, a Saturn je vladar uklještene prve kuće i u njemu žive Sunce, Sjeverni čvor i Jupiter. Ovim su povezane serije

Direkcije i Sekundarne progresije za dan kada je rađen transfer embriona



**Primjer 4**  
February 4, 1973  
3:45:06 PM GMT  
Niksic, Montenegro  
42 N 46 18 E 56  
Greenwich Mean Time  
Time Zone: 0 hours West  
Tropical Placidus  
Day-for-a-Year Progression for June 2, 2009 at 5:36:50 AM GMT


8, 5, 10, 1 i 12, pa sad već jasno vidimo sliku vantjelesnog začeća. Direktivna osa čvorova zajedno sa direktivnim Jupiterom koji je u konjunkciji sa direktivnim Sjevernim čvorom su u trigon sekstilu sa natalnom osom 4/10. Ovo nam govori, kao i u prethodnim primjerima, da se u njenom domu pojavljuje jedno novo biće. Direktivni Saturn je u kvinkunksu sa natalnim Merkurom, koji vlada šestom kućom u natalu, što je znak da je ona sada u stalnom kontaktu sa ljekarima i na terapiji zbog postupka IVF. Natalno su Merkur i Saturn u opoziciji, a dispozicijom preko Jupitera dolaze u kvinkunks, pa je to njen način

da pokuša da se prilagodi situaciji i pokuša da je riješi. Direktivni Uran je stigao na natalni Mars. U Uranu živi Fortuna, a Mars je natalni vladar četvrte i 11. kuće. Direktivni Mjesec je na  $16^{\circ}$  Strelca pa je u polusekstilu i kvinkunkusu sa natalnom osom čvorova, čime je na još jedan način ukazano na nov odnos i novo biće u porodici. Direktivni vrh osme kuće je na natalnoj Veneri, što jasno govori o trudnoći, jer Venera vlada petom kućom u natalu. Direktivni Kiron je na samom vrhu natalne pete kuće.

Sekundarni Mjesec je na  $0^{\circ}$  Riba, njegov natalni dispozitor Jupiter vodi ga u znak Jarca i kvadrat sa Uranom, što ne obećava uspješno začeće i trudnoću, ali ukazuje na akciju koja se preduzima, ogroman stres i strah od ponavljanja neuspjeha. Drugi dispozitor je natalni Neptun u Strelcu u konjunkciji sa Venerom i Marsom i sekstilu sa Plutonom. Pored ovoga, imamo sekundarnu Fortunu u polusekstilu sa natalnim Merkurom, vladarem šeste i devete kuće, što je pozitivan znak da postupak ipak uspjeva uz podršku prirode. Sekundarna Venera je u sekstilu sa natalnim Marsom, vladari četvrte i pete su u natalu, a to je znak začeća. Sekundarno Sunce je u kvinkunkusu

sa natalnim Saturnom. Sunce vlada osmom natalnom kućom, a Saturn uklještenom prvom kućom. Sekundarni Kiron je jako spor, ali je ipak u trigonu sa natalnom Venerom.

Pogledaćemo Tranzite za datum transfera embriona.




Tranzitni Saturn je u egzaktnom kvadratu sa natalnim Saturnom, pa ne šalje dobru energiju da se uspostavi nešto novo, već više stvara ograničenja na polju svog djelovanja, a to je prva kuća, ali i šesta, jer je u toj kući pozicioniran natalno. Svakako ne bismo prepostavili da će se desiti trudnoća, naročito zbog toga što je tranzitom kroz Djевичu Saturnov natalni dispozitor Merkur, koji je natalno u opoziciji sa njime. Tranzitni Jupiter i Neptun su u Vodoliji, pri tom Jupiter ulazi u konjunkciju sa natalnom Fortunom, što je dobar znak. Natalni dispozitor Jupitera i Neptuna je Uran na  $22^{\circ}$  Vage, u


egzaktnom sekstilu sa Merkurom, što je već neko vrijeme aktivno i dobar je znak. Tranzitni Uran ne pravi nikakve loše aspekte ka natalu, a natalni dispozitor Jupiter vodi ga u konjunkciju sa Sjevernim čvorom i Suncem, vladarem osme kuće. Ova slika je takođe aktivna već duži period. Tranzitni Mars je prešao u znak Bika i prolazi kroz četvrtu natalnu kuću. Tranzitni Merkur i Venera su

u četvrtoj i petoj natalnoj kući. Ono što je posebno dobro je da se ovoga dana na Nebu dešava egzaktan trigon Sunca i Mjeseca, koji obećava začeće. Ovaj trigon se dešava preko  $12^{\circ}$  Vage i Blizanaca, čime se konektuje na natal preko Kirona koji je na  $12^{\circ}$  Ovna.

Pogledaćemo Tercijarne progresije.



**Primjer 4**  
December 30, 1972  
6:36:50 AM  
Niksic, Montenegro  
42 N 46 18 E 56  
Standard time  
Time Zone: 1 hours East  
Tropical Placidus  
**NATAL CHART**



**Primjer 4**  
May 1, 1974  
3:19:15 AM GMT  
Niksic, Montenegro  
42 N 46 18 E 56  
Greenwich Mean Time  
Time Zone: 0 hours West  
Tropical Placidus  
**Day-for-a-Month Progression for June 2, 2009 at 5:36:50 AM GMT**


Tercijarni Ascendent je na natalnom Saturnu, vladaru uklještene prve kuće, u kome žive Sunce (vl. 8), Jupiter (vl. 12) i Sjeverni čvor – slika je jasna trudnoća vantjelesnom oplodnjom. Tercijarni Mars (natalni vladar 4) u kvinkunkusu je sa natalnim Neptunom, koji je na vrhu 12. kuće. Tercijarni Mjesec je u polusekstilu sa natalnim Plutonom. Tercijarna Fortuna (Sunce, Mjesec, Ascendent) u polusekstilu je sa natalnim Mjesecom u Škorpionu. Mjesec u natalu vlada uklješte-

nom sedmom kućom i nalazi se u 10. kući, a to je stvaranje porodice u braku, ali malo kasnije, a prethodna dva aspekta govore da je to vrijeme sada. Tercijarni Neptun je u polusekstilu sa natalnim Suncem, koje vlada osmom kućom, oni su prirodni predstavnici serija 5 i 12. Neptun natalno vlada trećom kućom i nalazi se u 12. kući – ona sada ide na put da bi još jedanput pokušala IVF. Tercijarni Merkur je u kvinkunkusu sa natalnim Neptunom. Tercijarno Sunce je u opoziciji sa

natalnim Mjesecom, ali natalno su ove dvije planete u sekstilu, što nije zasmetalo začeću, a i opozicija je upravo izašla iz orbisa od  $30^{\circ}$ . Tercijarna Venera je u kvinkunkusu sa tercijarnim Uranom, ona se plaši neuspjeha. Tercijarni Merkur i tercijarni Mars su u sekstilu. Tercijarna osa čvorova je u polusekstilu i kvinkunkusu sa direktivnom Venerom i kvadratu sa sekundarnim Merkurom. Još jedna slika je u tercijaru, a to je vladar tercijarnog


Ascendenta i tercijarne pete kuće, Merkur (u kome živi Mjesec) na vrhu 12. u konjunkciji sa Suncem, vladarem tercijarne četvrte kuće. Već pomenuti sekstil Merkura i Marsa u tercijaru povezuje 1, 4, 5, 11, 12 i 6. Merkur je i u sekstilu sa Saturnom, tercijarnim vladarem osme kuće, čime je slika upotpunjena. Tercijarni Kiron je na  $21^{\circ} 33'$  Ovna pa je u trigonu sa natalnim Merkurom na  $22^{\circ} 02'$  Strelca.

### Solarni povratak



**Primjer 4**  
December 30, 1972  
6:36:50 AM  
Niksic, Montenegro  
42 N 46 18 E 56  
Standard time  
Time Zone: 1 hours East  
Tropical Placidus  
NATAL CHART

Solarni Ascendent je u Vagi, blizu vrha 10. natalne kuće. Venera je vladar solarnog Ascendenta, ali i osme solarne kuće, i nalazi se u petoj kući, u konjunkciji sa Neptunom u Vodoliji, pa je trudnoća povezana sa timom naučnika i ljekara. U Vodoliji u četvrtoj kući imamo Mjesec, vladar 10. kuće, i Sjeverni čvor u konjunkciji orbisa  $4^{\circ}$ , pa je to lijep znak koji govori o potomstvu, ali na način Vodolije. Kiron je na vrhu pete kuće, u kon-




**Primjer 4**  
December 30, 2008  
12:23:25 AM  
Niksic, Montenegro  
42 N 46 18 E 56  
Standard time  
Time Zone: 1 hours East  
Tropical Placidus  
Solar Return for December 30, 2008 in Niksic, Montenegro

junkciji sa Neptunom i Venerom. Saturn je vladar solarne četvrte i pete kuće, a nalazi se u 12. kući, u konjunkciji sa Fortunom orbisa  $4^{\circ}$ , u trigonu sa svojim dispozitorom Merkurom na vrhu četvrte kuće Solara, a orbis je  $5^{\circ}$ . Uran, vladar solarne pete kuće, dispozitor je planeta u Vodoliji i nije dobra njegova opozicija sa Saturnom, vladarem solarne četvrte i pete kuće, međutim, dispozicijom preko Jupitera Uran ide u trigon sa njime.

## Primjer 5

NATAL CHART

April 5, 1978  
11:45:15 AM  
Standard time  
Nikšić, Montenegro  
42° N 46° E 56  
Time Zone: 1 hours East  
Tropical Placidus




Pogledaćemo jedan sjajan primjer u kome je mnoštvo faktora koji ukazuju da će se ova žena teško ostvariti kao majka, a manje onih koji govore suprotno i koji su prevagnuli. Ona je pronašla pravi trenutak za začeće putem IVF i dobila dijete. Odmah uočavamo Urana u četvrtoj i Neptuna u petoj kući. Serije 4 i 5, sa 11 i 12. Škorpion je na vrhu pete kuće, po tradiciji plodan vodeni znak, a vladar Mars je na samom stepenu pada u 12. kući, na  $3^{\circ}$  od Ascendentu. Ovo nije dobar znak, jer sama postavka vladara 5 u 12 otežava, a tek položaj Marsa ne daje nadu, jer je to mjesto odakle teško nešto može da se stvori. Dobar znak je polusekstil Marsa sa Jupiterom koji je na vrhu 12. kuće, na  $29^{\circ}$  (simbolika Riba). Jupiter je vladar znaka Strelca koji se nastavlja u petoj kući i zauzima njen najveći dio. Jupiter je i dispozitor Mjeseca, vladar uklještene 12. kuće, a Mjesec Marsa. Mars ima jedan širi aplikacioni trigon sa svojim dispozitorom Mjesecom – ovo je šansa da se izvuče nešto iz Marsa. U Mjesecu živi i Fortuna, pa je to još jedan pozitivan znak. Mars je u kvadratu sa Merkurom, vladarem 12. i dijela 11. kuće, što opet nije sjajno, jer ne obećava lak uspjeh IVF. Ta se veza vidi iz još jednog ugla, a to

je kvadrat Marsa, vladara pete kuće, sa Venerom, vladarem 11. i četvrte kuće. Venera je na stepenu egzaltacije Mjeseca i u egzaktnom sekstilu sa Fortunom, pa tu već imamo sjeme života i dobru vezu Sunca, Mjeseca, Ascendentu sa vladarem 11. i četvrte kuće. Venera je u sekstilu i sa Jupiterom, orbisa  $4^{\circ}$ . U Veneri živi drugi vladar pete kuće, Pluton, koji preko nje dolazi na sam stepen svog pada. Ovdje kao da se provlači neka priča predaka koji su „pali“ i koji se provlače kroz njen život, otežavajući napredak. Egzaltirna Venera, vladar 11, njen je način da se oslobođi tog teškog uticaja, jer serija 11 uvijek nudi oslobođenje. Pluton, vladar pete kuće, u egzaktnoj je opoziciji sa Suncem, vladarem Ascendentu, pa je to još više odaljava od ostvarenja pete kuće, tim gore što dispozicijom nemamo rješenje, već ponovo kvadrat Venere i Marsa. Uran, vladar osme kuće, u egzaktnom je kvinkunksu sa Suncem, vladarem Ascendentu, pa eto otežane trudnoće i potrebe da se nešto prilagodi i promjeni ili da to bude na neki neobičan način, što i jeste vantjelesna. Uran je u četvrtoj kući (veza 11 i 4) i u sjajnom trigonu sa Mjesecom u kome žive Mars i Fortuna iz 12. kuće, pa ovdje imamo izlaz i rješenje putem IVF. Problem sa Mjesecom jeste egzaktan kvadrat sa svojim dispozitorom, što je kod za nemanje djece, a imamo još jedan, to je Mjesec (vladar uklještene 12. kuće) u kvinkunksu sa Plutonom (vladar pete kuće). Ovaj aspekt nije toliko ograničavajući, jer ukazuje da ona može da pokuša alternativnom metodom, a to je bila IVF. Ovaj aspekt dispozicijom postaje trigon Mjeseca i Marsa, pa je i na ovaj način ukazano na rješenje. Pored toga, imamo i kod za imanje više djece, Merkur sekstil Jupiter. Saturn je drugi vladar osme kuće, a on je, iako u izgonu u trigonu sa Merkurom, pa


i sa Venerom, malo šireg orbisa. Saturn je u trigonu sa Neptunom u petoj kući, elementom serije 12, a ovaj aspekt govori da ona mora vjerovati i da će imati podršku prirode u vremenu. Još jedna važna stvar jeste ta da je Mars, vladar pete i 10. kuće, u trigon sekstilu sa osom čvorova, i ona će dobiti potomstvo. Pogledaćemo vezu Plutona sa osmom kućom, što je bila pretpostavka na početku rada. Vladar osme kuće je egzaltirani Uran u

egzaktnom polusekstilu sa Plutonom, koji je njegov dispozitor. Kiron je takođe direktno povezan sa serijom 11, 12 i 4, preko snažne konjunkcije sa Venerom, vladarem 11. i četvrte kuće, i u sekstilu sa Fortunom (Sunce, Mjesec, Ascendent) u 12. kući. Kiron ima i kvadrat sa Marsom, vladarem pete kuće.

Direkcije i Sekundarne progresije za dan kada je rađen transfer embriona



Direktivna slika je izuzetno snažna, imamo mnoštvo dobrih aspekata. Krenućemo od direktivne ose Ascendent-Descendent, koja je u trigon sekstilu sa natalnim Kironom, čime se ponovo potvrđuje njegova važnost u procesu vantjelesne. Direktivni vrh pete kuće je u trigonu sa natalnim Merkurom (vl. 12. i 3), a direktivni vrh četvrte kuće u trigonu sa natalnim Mjesecom (vl. uklještene 12). Direktivni vrh četvrte je i u polusekstilu



sa natalnim Neptunom. Direktivni vrh osme kuće je u kvinkunksu sa natalnim Saturnom, vladarem osme i uklještene šeste kuće. Slika je jasna – terapija u cilju trudnoće. Direktivni Saturn je u sekstilu sa natalnim Marsom, čime su sjajno spojene serije 8, 5, 10 i 12, jer je Mars natalno u 12. kući. Direktivni Neptun je u trigon sekstilu sa natalnom osom 5/11. Direktivni Mjesec je u kvinkunksu sa natalnim vrhom pete kuće. Direktivni Merkur je

na  $29^\circ$ , što je tipičan kod za rađanje djeteta, u sekstilu sa natalnim Jupiterom, vladarem šeste i velikog dijela pete kuće. Direktivni Jupiter je u kvadratu sa natalnom Venerom, natalno su u sekstilu, pa je sada pokrenuta akcija u simbolici ove dvije planete (Venera, vladar 4. i 11.


u natalu). Direktivni vrh 10. kuće je u sekstilu sa natalnim Mjesecom, što je slika stvaranja sopstvene porodice.

U Sekundarnim progresijama opet imamo dobre aspekte. Sekundarni vrh pete kuće je u trigonu sa natalnim Merkurom. Sekundarni vrh osme kuće je na samom natalnom Mjesecu, a to je

lijep znak za trudnoću. Sekundarni Mjesec je veoma važan i on se nalazi u 11. natalnoj kući, pa je veza 4 i 11 probuđena baš ove godine. Sjajno je što je sekundarni Mjesec u sekstilu sa sekundarnim Marsom, natalnim vladarem pete i 10. kuće. Sekundarna Fortuna je u kvinkunkusu sa vrhom natalne osme kuće, začeće ne uspjeva prirodnim putem, pa sada pokušava vantjelesno, što će biti uspješno. Sekundarni Merkur je u polusekstilu sa natalnom osom 5/11. Sekundarno Sunce je u sekstilu sa natalnim Mjesecom, slika začeća u ovom periodu. Sekundarni Jupiter, iako spor, u egzaktnom je sekstilu sa

natalnim Kironom, dok je sekundarni Kiron, koji je još sporije tijelo, u važnom aspektu polusekstila i kvinkunksa sa natalnom osom čvorova, koja govori o potomstvu.

Tranzitna slika za datum transfera embriona




Krećemo od šire slike i odmah uočavamo tranzitnog Neptuna, koji je tada prešao u znak Riba, pa je njegov natalni dispozitor Jupiter na  $29^\circ$  Blizanaca, na vrhu 12. kuće, u konjunkciji sa Fortunom i sekstilu sa Venerom i Merkurom i polusekstilu sa Marsom, vladarem natalne pete kuće. Ovim su objedinjeni faktori potrebni za postupak IVF. Tranzitni Kiron, za koji smo utvrdili kroz ove primjere da je bio egzaktno aktiviran, sada je u egzaktnom sekstilu sa natalnom Venerom, vladarem četvrte i 11. kuće. Tranzitni Saturn, vladar osme kuće, u trigonu je sa natalnim Jupiterom. Saturn je na  $29^\circ$  Vage, pa je natalni dispozitor i dalje


Venera na egzaltaciji Mjeseca, što je dobar znak za trudnoću. Tranzitni Jupiter je tačno na natalnoj Veneri, te je i njegov natalni dispozitor Venera, pa kao da je Venera dobila snagu da se ostvari. Tranzitno Sunce je u egzaktnom polusekstilu sa natalnim Suncem je vladar Ascendenta, a u njemu živi Saturn, vladar osme kuće u natalu. Tranzitno Sunce je i u trigonu sa natalnim Plutonom, vladarem pete u četvrtoj kući. Tranzitno Sunce je i u kvinkunsu sa natalnim Uranom, koji

je njegov natalni dispozitor tokom tranzita kroz znak Vodolije, pa kao da je Sunce udahnulo život Uranu, vladaru osme kuće u natalu. Još jasnija slika začeća vidi se preko natalnog trigona Urana sa Mjesecom. Tranzitni Mjesec je u Raku i tog dana je ostvario konjunkciju sa natalnom Fortunom i sekstil sa Venerom.

Suzićemo period preko Tercijarnih progresija.



**Primjer 5**  
April 5, 1978  
11:45:15 AM  
Niksic, Montenegro  
42 N 46 18 E 56  
Standard time  
Time Zone: 1 hours East  
Tropical Placidus  
**NATAL CHART**



**Primjer 5**  
July 1, 1979  
6:20:53 PM GMT  
Niksic, Montenegro  
42 N 46 18 E 56  
Greenwich Mean Time  
Time Zone: 0 hours West  
Tropical Placidus  
**Day-for-a-Month Progression for February 4, 2012 at 10:45:15 AM  
GMT**


Tercijarni vrh osme kuće došao je na  $3^{\circ}$  Bika, na natalnu Veneru, vladara 11. i četvrte kuće. Tercijarni Mjesec se brzo kreće i sada je sa  $29^{\circ}$  Djevice napravio kvadrat ka natalnom Jupiteru. Mjesec je natalni vladar uklještene 12. kuće, a Jupiter šeste, mada znak Strelca zauzima skoro cijelu petu kuću. Kao i u prethodnim primjerima, kvadrat ne označava neuspjeh, već se preduzima akcija,

tj. kreće se na terapiju u cilju začeća. Tercijarni Mars, vladar pete i 10. kuće u natalu i dispozitor Urana, Sunca i Merkura, nalazi se na  $4^{\circ}$  Blizanaca u polusekstilu sa natalnim Kironom.

Tercijarni Merkur, vladar 12, jeste u trigon sekstilu sa natalnom osom čvorova, što je tipično. U svim primjerima imali smo po-


sebnu sliku u samom Tercijaru, pa i u ovom. Tercijarno Sunce, vladar tercijarne 11. kuće, u sekstilu je sa tercijarnim Saturnom i Sje-

vernim čvorom. Saturn u tercijaru vlada četvrtom i petom kućom, a u Suncu žive Merkur i Jupiter.



**Primjer 5**  
April 5, 1978  
11:45:15 AM  
Niksic, Montenegro  
42 N 46 18 E 56  
Standard time  
Time Zone: 1 hours East  
Tropical Placidus  
NATAL CHART

Solarni Ascendent je u Raku, što je često kada se bavimo pitanjima porodice. Stepen Ascendenta je 25, a natalni Mars, vladar pete kuće, nalazi se na  $28^{\circ}$  Raka, pa sada imamo i bližu sliku ka čemu je ona okrenuta ove solarne godine. Mjesec, vladar solarnog Ascendenta, nalazi se u 10. solarnoj kući, govori o stvaranju porodice. Mjesec je na  $5^{\circ}$  Bika, u konjunkciji sa natalnom Venerom i Kironom. Mjesec je u trigonu sa Plutonom,



**Primjer 5**  
April 5, 2011  
12:17:38 PM  
Niksic, Montenegro  
42 N 46 18 E 56  
Daylight Saving Time  
Time Zone: 1 hours East  
Tropical Placidus  
Solar Return for April 5, 2011 in Niksic, Montenegro

vladarem solarne pete kuće. Solarni Pluton je u sekstilu sa solarnom Venerom, vladarem solarne četvrte i 11. kuće. U Veneri živi Saturn, vladar solarne osme kuće. Solarni Kiron je na  $3^{\circ}$  Riba, u egzaktnom sekstilu sa natalnom Venerom. Imamo još jedan lijep znak, a to je trigon Fortune i Sunca u samom Solaru.

## Analiza rezultata

U natalnim horoskopima, kao i u horoskopima prognostičkih tehniki, uočili smo direktnu vezu serija 4 i 5 sa 11 i 12, zajedno sa serijom 1 i 8, jer je prva kuća sama osoba, a osma kuća, kao što znamo, trudnoća. Često se slika veze ovih serija kroz aspekte ponavlja više puta segmentirano, npr. 1, 5 i 12, ili 4, 5 i 11, 12, ili 1, 8, 12, ali uvek su uključene sve ove serije. Isto kao u Formula-ma za rođenje djeteta, to može biti sekundarni ili direktivni Mjesec u dobrom aspektu sa vladarima 4, 5, 8, 11 ili 12, zatim direktivni, sekundarni, tercijarni vrh četvrte, pete, osme kuće u dobrom aspektu sa Neptunom, Uranom, vladarima 11, 12, ili vrhovima istih natalnih kuća, uključujući četvrtu i petu kuću.

Često je aktivirana osa 6/12, ili samo šesta kuća, naročito preko egzaktnih aspeka-ta u horoskopima prognostičkih tehniki sa natalnim planetama. Logično je da je ova osa uključena, jer je IVF, prije svega, jedan postupak koji uključuje ne samo liječenje već čitavu proceduru koja utiče na psihu i tijelo.

U nekim primjerima vidjeli smo vezu sa devetom kućom. Iako sam to zapazila, ni-sam pominjala u analizi, jer su sve ove žene putovale u inostranstvo da bi uradile postupak IVF. Moguće je da su u ovom procesu imale podršku prirode, što je deveta kuća.

U analizi svih horoskopa koje sam do-bila i od kojih sam postavila ovih pet, pri-mjetila sam da se ponavlja znak Vodolije, bilo kroz Ascendent, Mjesec, Fortunu ili neku drugu planetu. Izuzetak je primjer broj 5, ali je u njemu Vodolija na vrhu osme kuće. Možda je ovo slučajnost, no znak Vodolije je sklon svim nesvakidašnjim stvarima, isto kao što serija 11 igra ulogu u postupku IVF.

Prepostavka da Kiron ima vezu sa van-telesnom oplodnjom potvrđena je u svakom primjeru. Kiron je aktivan ne samo u na-talnoj karti već dobrim aspektima u svakoj prognostičkoj tehničici, i to sa osom čvorova, vladarima 4, 5, 8, 11 ili 12 i Fortunom. Raz-misljala sam o tome zašto Kiron. Odmah se nameće njegova uloga kao iscelitelja, ali nije to običan iscelitelj, već onaj koji nas povezu-je sa drugom stranom, sa dalekim planetama i nečim što do juče nije bilo moguće, a danas jeste, veza sa Uranom. Kironova ekscentrič-na putanja najbolje govori o tome. Kada je u tački najbližoj Suncu, dodiruje orbitu Satur-na, a kada je najudaljeniji, skoro da dotiče orbitu Urana, i kao takav on je posrednik iz-među dva svijeta.

U svim primjerima uočila sam da po-stoji  $29^\circ$ . Ovaj stepen je u simbolici Riba i serije 12, što je objašnjenje koje se odmah nameće. Lično mislim da je taj stepen pose-ban i kao da predstavlja jednu nit koja nas spaja sa tim posebnim nevidljivim dijelom. On predstavlja šansu za prelaz i evoluciju, jer kad smo došli do kraja i nemamo više kuda, pojavljuje se ta šansa. Mnogi od ovih parova dospeli su u situaciju da se razidu po-sle dosta godina. Prije razlaza odlučili bi da pokušaju IVF još jedanput i tada bi se otvo-rio taj prolaz, jer došli su do  $29^\circ$ , koji je kraj, i tek onda se on otvara i omogućava prolaz. Naravno, u svim ovim horoskopima  $29^\circ$  ima dobru dispoziciju.

Osa čvorova, koja je najvažnija u uspo-stavljanju odnosa i predstavlja djelove našeg Mjeseca, aktivna je u svim prognostičkim tehnikama. U nekim slučajevima to je direk-tivna, tercijarna, sekundarna osa čvorova u aspektu sa natalnom osom Ascendent-Desc-endent, Suncem, Fortunom, Mjesecom. U

drugim slučajevima je direktivni, sekundarni, tercijarni Mjesec, Sunce, Fortuna u aspektu sa natalnom osom čvorova. U nekim primjerima je Sjeverni čvor na vrhu pete kuće i sl.

Osa Ascendent-Descendent takođe je aktivna i u nekoliko slučajeva se nalazi sa  $29^{\circ}$  ili  $0^{\circ}$ , dok se u drugim slučajevima poklapa sa osom čvorova ili vladarima 4, 5, 8, 11, 12.

Osa 4/ 10 je aktivna, a naročito 10. kuća, što je očekivano, jer su sve ove žene tada prvi put ostvarile uspješnu trudnoću i osnovale svoju porodicu.

Fortuna je veoma aktivna u svim primjerima u dobrom aspektima sa vladarima 4, 5, 8, Mjesecom, Venerom ili osom čvorova. Fortuna je veoma lična tačka, koja se dobija iz položaja Sunca, Mjeseca i Ascendenta. Znamo da su Sunce i Mjesec začeće i logično je da je to tačka koja ima ulogu u tom procesu.

U Tranzitima je samo u nekim primjerima bila snažna slika, dok su u nekima bili širi orbisi. Samo je u primjeru broj 5 skoro svaka tranzitna planeta aktivirala neku natalnu i vidjeli smo dobru vezu svih serija koje su uključene u IVF. U ostalim primjerima dobri natalni aspekti bili su aktivirani preko natalnih dispozitora tranzitnih planeta. Primjetila sam da je u nekim primjerima bilo loših aspekata Saturna i Urana koji nisu osuđetili začeće.

U Solarnom povratku imali smo, u svakom primjeru, sjajnu sliku povoljnih kombinacija serija 1, 4, 5, 8 sa 11 i 12.

Često se ponavlja kvadrat nekog elementa serije 1, 4, 5, 8 sa nečim iz serija 11 i 12. Primjetila sam i da je bila aktivna treća kuća, mada to nisam navodila, osim u pri-

mjeru broj 1. Sada ču to objasniti. Istražujući ovu temu saznala sam mnoga lična iskustva. Žene su otvorene i pričaju, za razliku od muškaraca. One kažu da je jedan od najtežih trenutaka taj kada sjednu da razgovaraju i priznaju jedno drugom da postoji problem. Tada isplivaju emocije, zbog nagomilane napetosti, ali se doneće odluka da se potraži pomoć. Eto zato je važna ta treća kuća i taj kvadrat, jer treba prelomiti i donijeti odluku. Naišla sam na primjere u kojima su doktori na grub način saopštavali da je problem u ženi, a da muškarac može prirodnim putem da dobije djecu, što je vrlo bolno i optužujuće.

Primjetila sam vezu Plutona sa osmom kućom. U nekoliko slučajeva, kroz direktnu postavku ili preko dispozicije. To me asociralo na embrion koji je kao sjeme, sastoji se od nekoliko ćelija, a u sebi nosi zapis čitave genetike, osobina, karaktera, izgleda... Iz tih nekoliko ćelija treba da nastane čovjek.

Postupak vantjelesne oplodnje otvorio je mnoga pitanja, religijska, zakonska, psihološka, i tema je mnogih rasprava. Razni teoretičari je nazivaju nemoralnom i nehumanom, zbog rada sa embrionima i njihovog zamrzavanja, koji bi po njima valjda trebalo da imaju svoja prava isto kao i odrasle jedinke. Za njih embrion nije samo par ćelija, već ljudski život, što jeste istina, ali zar nije volja Univerzuma ili Duše prizvane od tog embriiona hoće li se roditi ili ne? Katolička crkva je protiv IVF, dok je npr. judaizam i islam dozvoljavaju. Stav islama je da fetus dobija Dušu 40–120 dana nakon oplodnje, dok u judaizmu potiču Božju zapovijed „idite i množite se“.

Danas postoje psiholozi koji pomažu u procesu IVF. Oni navode da samo parovi koji se bore sa sterilitetom znaju koliko pat-

nje i bola doživljavaju. Njihov život postaje mukotpan put ponovnih pokušaja i razočarenja. Žene su osjetljivije i imaju prirodnu potrebu da pruže ljubav, pa zato osjećaju krvicu, nesigurnost, kao da ih je tijelo izdalo u osnovnom prirodnom procesu, i zbog toga se osjećaju manje vrijednim, što se odražava i u drugim oblastima života. Ostao mi je u sjećanju komentar jedne žene koja je rekla da bi sto puta prošla kroz taj nimalo lak proces kad bi znala da će sto prvi uspjeti. Zaključimo sami koliko je IVF human proces.

Ono što sam htjela da kažem u ovom radu jeste da nikada ne treba odustajati i gubititi nadu, čak ni posle mnogih neuspjelih pokušaja. Ako postoji i jedan tračak nade da će se desiti život, ne treba odustajati. Kao što se iz samo jedne ćelije rodi život, tako i u vremenu može postojati jedan trenutak kada će se otvoriti ta vrata i kada će se desiti ta uspješna trudnoća. Jednom sam sa svoje dvije priateljice stajala ispred čuvene

evropske katedrale. Tu je bila žena maskirana kao Majka Božija, koja mi je poklonila krstić, a mojim prijateljicama privješćiće u obliku bebe. Njih dvije su bile u dugim brakovima i nisu imale djecu. Za mene je to bio znak da će one uspjeti u svojoj borbi za potomstvo, što se uskoro i desilo, a meni poruka da vjerujem. I zaista, ja duboko vjerujem da kad nešto jako želiš, treba se potruditi, uložiti snagu, vrijeme, čisto srce i sve što treba da dodjemo do cilja. Tada se i čitav Univerzum okrene da nam pomogne u tome. U mom horoskopu žive moje priateljice, neke nove, neke dugogodišnje, neke odlaze, ali često su njihove priče povezane sa temom ovog rada. Vladar moje 11. kuće je Mjesec na 29° u osmoj kući, i to je valjda razlog mog stalnog kontakta sa takvima ženama. Zato sam imala potrebu da napišem ovaj rad. Možda će nekome pomoći da se usredredi na povoljne periode koji se vide kroz prognostičke tehnike.

